

KAPADOKIJA+ISTANBUL

18.04-23.04.2024.

5 NOĆENJA/ 6 DANA/ AVION

Čarobna Kapadokija – na „listi želja“ svakog putnika!

Kapadokija – fotografije ovog mjesta obišle su cijeli svijet! Destinacija koju svi ljubitelji putovanja imaju na svojoj listi želja! U čemu se krije magija čudesnih stijena u obliku vilinskih dimnjaka i zašto Kapadokija u prijevodu znači zemlja lijepih konja? – sada je idealna prilika da saznate. Smještena je između tri ugašena vulkana čije je ispuštanje lave sa jakim vjetrovima i obilnim kišama kroz nekoliko miliona godina stvorilo jedinstveni pejzaž. Ova regija bogata historijom nudi puno više od vožnje balonom – od čudesnih geografskih formacija koje su ustvari crkve isklesane u stijenama, do „cave“ smještaja u pravim pećinama, ovdje ćete svjedočiti životu kao u bajci.

VRIJEDNOST VIŠE: Smještaj u originalnim pećinama u Kapadokiji(centar).

PROGRAM PUTOVANJA

1. DAN, 18.04.2024. (ČETVRTAK), SARAJEVO – ISTANBUL – NEVSEHIR – KAPADOKIJA

Sastanak putnika na Sarajevskom aerodromu 90 minuta prije leta. Polijetanje za Istanbul u 09:15h. Planirano slijetanje u Istanbul u 12:15h. Nastavak putovanja sa istog aerodroma u 13:130h. Planirani dolazak u Nevsehir u 14:55h. Transfer do hotela u Kapadokiji (vožnja cca 40 min). Smještaj u hotelu. Slobodno vrijeme za šetnju i prvi susret sa Kapadokijom. Mogućnost odlaska na tursko veče u jedan od najboljih restorana, jedinstveni ambijent u pećini. Povratak u hotel. Noćenje.



2. DAN, 19.04.2024. (PETAK), CRVENA TURA – SRCE KAPADOKIJE

Doručak. Poslije doručka vas vodimo na nezaobilaznu Crvenu turu. Polazak iz hotela oko 09:30h. Prvi jutarnji susret sa Mjesečevim pejzažom Kapadokije - lokalno stanovništvo je dugo živjelo u uvjerenju da su njihovu zemlju oblikovala bića sa neke druge planete. Stjenovite formacije nadrealnog izgleda u dolini Devrent ili drugom nazivu Dolini mašte će vas oduševiti. Ove neobične formacije su razlog zašto je ovo dolina imaginacije - od stijena koja podsjećaju na kamilu, pingvina, zmiju ili delfina, imaćete osjećaj da ste ušli u neki kameni zoološki vrt. Slijedi posjeta Pašabagovim „vilinskim dimnjacima“ gdje kažu da se glas vjetrova miješa sa „pjesmama vila“ u blizini Zelve (Muzej na otvorenom). Ova neobična geografska formacija Pašabagi se još naziva i dolina sveštenika zbog crkve svetog Simeona koja se nalazi u samoj dolini.

Ručak u Avanosu, centru lončarstva još od 3000. godine prije nove ere koje je smješteno na obali rijeke Kizilirmak (Crvena rijeka) – najduže rijeke u Turskoj. Slijedi demonstracija u tradicionalnoj keramičarskoj radionici, gledajući lončare čija je tehnika ostala nepromijenjena sve ove godine, a ukoliko ste zainteresovani da vidite kako proces proizvodnje jednog od njih izgleda, rado će vam pokazati iz prve ruke. Nakon toga, slijedi posjeta poznatom muzeju na otvorenom Goreme i gledamo najbolje primjere bizantijske umjetnosti u Kapadokiji u crkvama isklesanim u stijenama sa freskama i slikama (od 10. do 13. stoljeća). Nastavljamo do panoramskog vidikovca Esentepe. Sa spektakularnim pogledom na Goreme, uživamo u panoramskom pogledu na dolinu Goreme i istoimeno selo: vilinske dimnjake, stijene i pećinske kuće.

Završavamo ovaj izlet sa posjetom dvorca Uchisar. Ova visoka stijena je najviša tačka u regije Goreme i nudi najljepši pogled na vilinske dimnjake. Povratak u hotel. Slobodno vrijeme ili odlazak na najpopularniji izlet - jahanje konja. Kapadokija je poznata i kao "zemlja prekrasnih konja". To je prijevod njegovog originalnog staroperzijskog imena Katpatuka. Jedan od najboljih načina da otkrijete prekrasne doline Kapadokije. Nije potrebno prethodno iskustvo jer su konji obučeni za spore ture. Za one koji su spremni za avanturu i adrenalin preporučujemo - Quad safari u dolini ljubavi. Vozimo se ATV-om - četverotočkašima kroz magične predjele Kapadokije! Ne tako obično razgledanje mjesta Göreme, kroz dolinu „ljubavi“, dolinu „ruža“ i selo Vuavusin. Na kraju ovog izleta imamo priliku prisustvovati i zalasku sunca u ovom bajkovitom mjestu. Povratak u hotel. Slobodno vrijeme. Noćenje.



3. DAN, 20.04.2024. (SUBOTA), VOŽNJA BALONOM (Ne propustite!) + MISTIČNA ZELENA TURA – IHLARA KANJON I PODZEMNI GRAD

Doručak. Vrijeme je za izlet koji smo svi čekali - spektakularni let balonom iznad prekrasnih krajolika Kapadokije! (dodatno se plaća). U ranim jutarnjim satima, jedan sat prije izlaska sunca (oko 04:30h), vozimo se ka zoni polijetanja, gdje imate priliku svjedočiti jedinstvenim ljepotama Kapadokije od Crvene doline do Goreme. Dok prisustvujemo nevjerojatnom izlasku sunca u zraku, moći ćete vidjeti i savršene panoramske poglede na Urgup, Goreme, Ortahisar, Uchisar, Avanos i Nevsehir. Ovaj nevjerojatni let sa profesionalnim pilotom traje cca 45-75 min i nakon slijetanja čeka vas proslava uz osvježavajuća pića (bezalkoholna), kao i personalizovani certifikat sa vašim imenom. Povratak u hotel.

Mogućnost odlaska na fakultativni izlet Mistična zelena tura. Polazak iz hotela oko 09:30h. Obilazak podzemnog grada Derinkuyu, jednog od najvećih i najdubljih podzemnih gradova u Kapadokiji. A osim iz zraka i ptičije perspektive, zanimljivo je

upoznati i ovo mjesto i iz podzemnog ugla. Na ovom području se nalazi veliki broj podzemnih gradova, često povezni tunelima, od kojih su najpoznatiji Kajmakli i Derinkuju. Ovaj drugi, koji važi i za najveći u čitavoj Turskoj, ide do dubine od 60 m, a rasprostire se na 4,5 km te ima 8 podzemnih spratova u kojima je svojevremeno moglo da se smjesti i do 20.000 ljudi. Izlet nastavljamo posjetom kanjona Ihlara koji spada u najljepša prirodna bogatstva Turske. Ihlara je ujedno i jedan od najvećih kanjona na svijetu. U dolini postoje brojne crkve i kapele koje još nisu ni otkrivene. Kroz nju teče rijeka Melendiz Cayi zahvaljujući kojoj u dolini se nalazi mnogo zelenila. Slijedi šetnja kanjonom Ihlara do sela Belisirma, antička Peristreme koja se naziva i „Dolina neba“ duž rijeke Melendiz. Crkve izrezane u stijenama prostiru se po divljoj plantaži, kao i nevjerojatno oslikani prikazi iz Biblije. Ručak u lokalnom restoranu u Belisirmi pored rijeke gdje jedemo lokalne specijalitete. Nastavljamo do katedrale Selime - najveći kameni samostan u regiji koji je pretvoren je u karavansaraj, odnosno mjesto na kojem su putnici trgovci koji su putovali putem svile, mogli da zastanu i odmire. Na rubu kanjona, čeka nas krajolik poput onog iz filma "Zvezdani ratovi (Star Wars)". Povratak u hotel oko 17:30h. Noćenje.



4. DAN, 21.04.2024. (NEDJELJA), NEVSEHIR – ISTANBUL – NOĆNI IZLET NA TAKSIM

Odjava iz hotela i doručak. Odlazak na aerodrom Nevsehir (voznja cca 30 min) Polijetanje za Istanbul u 13:30h. Planirano slijetanje na aerodrom Istanbul u 15:00h. Transfer do hotela. Check in u hotelu Henna ili sličnom. Slobodno vrijeme. U poslijepodnevnom satima slijedi fakultativni izlet do centralnog gradskog Trga Taksim – žile kucavice ovog milionskog supergrada! Iskoristite ovaj izlet i da se upoznate sa podzemnom šemom grada uz asistenciju Vašeg vodiča! Do Taksima vodi i glavna gradska promenade – Istiqlal ulica, prepuna različitih trgovina, restorana, kafića. a na samom dnu ulice nalazi se čuvena Galata kula, još jedan od simbola grada. Otići u Istanbul, a ne svratiti do ovog tornja nedopustiva je greška. Slobodno vrijeme. Povratak u hotel. Noćenje.



5. DAN, 22.04.2024. (PONEDJELJAK), ISTANBUL – CJELODNEVNA ISTANBUL LIGHT TURA + AZIJSKI DIO

Nakon doručka slijedi fakultativno pješačko razgledanje monumentalnih građevina u starom dijelu grada: Hipodrom sa njemačkom fontanom, egipatskim obeliskom i zmijskim stubom, Sultan Ahmetova džamija - Plava džamija, Topkapi palata (ulazak u Harem uz doplatu), Aja Sofija (razgledanje izvana, mogućnost ulaska uz doplatu). Nakon obilaska prvorazrednih građevina u oblasti Sultanahmet, odlazimo do čuvene Kapali čaršije, najveće pijace na svijetu gdje se u ukupno 65 ulica nalazi čak 4000 radnji! Slobodno vrijeme za kupovinu uz neizostavno cjenkanje!

Slijedi odlazak na fakultativni izlet u Azijski dio grada. Nakon vožnje prvim transkoninentalnim metroom slijedi šetnja do čuvene Djevojačke kule (danas svjetionik). Ova kula je jedan od simbola Istanbula i nalazi se na Bosforu. Legenda kaže da je car sagradio kako bi spasio svoju kćerku proročanstva po kojem će princeza umrijeti od ujeda zmije. Ova izolovana kula nije uspjela da izmjeni sudbinu careve kćerke koja je jednog dana poslala sluge po jabuke u čijoj korpi se krila i zmija koja ju je ujela. Vožnja brodićem (uz doplatu) do kule. Popiti kafu u kuli, nezaboravan je doživljaj. Povratak u hotel. Noćenje.

6. DAN, 23.04.2024. (UTORAK), ISTANBUL – SARAJEVO

Doručak. Odjava iz hotela. Slobodno vrijeme za individualne aktivnosti. Transfer do aerodroma i čekiranje za let na relaciji Istanbul – Sarajevo u 19:00h sa dolaskom u Sarajevo u 19:55h. *(Satnice navedene po lokalnom vremenu)*. Kraj putovanja.

CIJENA: 1.499,00 KM - (RANI BOOKING za prvih 10 rezervacija) Redovna cijena iznosi 1.599 KM po osobi.

U cijenu je uključeno:

- Povratne avio karte (Turkish Airlines) na relaciji Sarajevo – Istanbul – Kayseri – Istanbul – Sarajevo sa uključenim 20 kg čekiranog + 8 kg ručnog prtljaga,
- Sve aerodromske takse i TSC,
- 3 noćenja sa doručkom u 1/2 i 1/3 sobama u hotelu Pashahan ili sličnom u Kapadokiji,
- 2 noćenja sa doručkom u 1/2 i 1/3 sobama u hotelu Henna ili sličnom u Istanbulu,
- Bus transferi na relaciji aerodrom-hotel-aerodrom u Kapadokiji i u Istanbulu,
- Usluge vodiča tokom boravka u Turskoj kao i u toku fakultativnih (neobaveznih) izlet

U cijenu nije uključeno:

- Doplata za jednokrevetnu sobu 395,00 KM
- Fakultativni (neobavezni) izleti i ulaznice planirane programom putovanja (plaćaju se u Agenciji ili na licu mjesta)
- PZ osiguranje 10,00 KM,
- Individualni troškovi

FAKULTATIVNI (NEOBAVEZNI) IZLETI U KAPADOKIJI:

VOŽNJA BALONOM

(Centrotours preporučuje!)

- Trajanje leta: 60-75 minuta
- Veličina korpe: 12-16 osoba
- Doručak uključen
- Certifikat sa imenom i medalja za uspješan let

CRVENA (SJEVERNA) TURA - 50 EUR

(9:30h-17:00h)

U cijenu izleta je uključeno:

- Ulaznice za muzej na otvorenom Goreme
- Cavusin Village (selo)
- Ručak
- Posjeta Avanosu (keramičarska radionica)
- Pašabag (Dolina monarha)
- Devrent (Dolina mašte)
- Urgup
- Prijevoz iz hotela
- Usluga lokanog vodiča na engleskom jeziku

ZELENA TURA - 50 EUR (9:30h-18:00h)

U cijenu izleta je uključeno:

- Ulaznice za podzemni grad Derinkuyu ili Kaymakli
- Goreme Panorama (najpopularnije mjesto za slikanje)
- Dolina Ihlara - 3km pješaćenja
- Ručak u Belsirmi
- Manastir Selime
- Vidikovac Pigeon Valley
- Prijevoz iz hotela
- Usluga lokanog vodiča na engleskom jeziku

JAHANJE KONJA- 45 EUR

Kapadokija na perzijskom jeziku znači „Zemlja prelijepih konja“ i tamo je najpopularnija aktivnost koja se savršeno poistovjećuje sa ovim značenjem upravo jahanje konja. Upućujemo se ka nesvakidašnjim dolinama kao što su – Rose Valley, Love Valley, White Valley... Uživamo u nestvarim pejzažima dok galopiramo stazama okruženim vilinskim dimnjacima daleko od gužve.

U cijenu izleta je uključeno: jahanje konja (sat vremena), lokalni vodič na engleskom, organizovani prijevoz po predviđenom itinereru.

QUAD SAFARI (ATV) - 35 EUR

Dvosatna tura od 16:30h do 18:30h. Vožnja ATV četverotočkašima i istraživanje najljepših krajolika Kapadokije! Nestandardno razgledanje i neobična avantura u džungli kroz Göreme, dolinu Güllüdere, dolinu Love i selo Vuavuşin. Sa ovim terenskim četverotočkašima lako je upravljati, potpuno su automatski, tako da nije potrebno prethodno iskustvo. Staze i ruta kojom se vozi pažljivo su odabrane kako ne bi bile zastrašujuće, već radi uživanja i izazova.

VOŽNJA OLDTIMERIMA - 35 EUR

Kapadokija je jedinstveno mjesto na svetu sa svojom neuporedivom ljepotom. Osim svojih prirodnih ljepota, Kapadokija nam nudi i širok spektar aktivnosti. Jedna od njih koja se našla na našoj listi fakultativnih izleta je i vožnja oldtimerima.

Krećemo rano ujutru kako bismo dočekali prve zrake sunca na nestvarnim predjelima ove magične regije. Dok uživamo u nevjerovatnoj energiji, pogled nam se zaustavlja na nebu obojenom mnoštvom šarenolikih balona. Sa ove ture ćemo poimijeti najljepše fotografije i utiske.

U cijenu izleta je uključeno: vožnja oldtimerima u trajanju od 2h (min. 3 osobe u vozilu), lokalni vodič na engleskom jeziku, organizovani prijevoz po predviđenom itinereru.

TURSKO VEČE - 45 EUR

Večer započinjemo odlaskom u jedinstveni restoran smješten u pećini, u kojem nas čeka večera bogata turskim okusima u tri slijeda. Uz večeru uživamo u zvukovima turskog melosa i tradicionalnim plesovima iz raznih regija Turske, kao što su ples s vatrom i kavkaski ples s noževima. Vrhunac večeri donosi performans trbušnih plesačica, a imat ćemo priliku i sami se okušati u ovom plesu. Odličan provod i večer koja dugo ostaje u sjećanju!

U cijenu izleta je uključeno: večera od tri slijeda, neograničena lokalna alkoholna pića, performans, prijevoz od/do hotela.

NOĆNI IZLET TAKSIM – 15 EUR

RAZGLEDANJE (LIGHT CITY) + AZIJSKI DIO – 20 EUR

KRSTARENJE BOSFOROM – 20 EUR

Cijena izleta se izražene po osobi.

Izlete je jedino moguće rezervisati u Agenciji prije polaska.

** Kalkulacija je rađena na bazi minimum 20 putnika.*

MOGUĆNOSTI PLAĆANJA

- Za rezervaciju je potrebno uplatiti avans u iznosu od 30%, ostatak se plaća najkasnije 15 dana prije polaska
- Gotovinska uplata ili uplata debitnom karticom u Centrotours poslovnicama
- Uplata na žiro račun u banci, pošti, ili internetskim bankarstvom
- Obročno shopping karticama (Unicredit do 24 rate, Raiffaisen i Intesa do 6 rata)
- Cijene objavljene na web stranici agencije su cijene izražene sa obračunatim popustom od 5% za jednokratno plaćanje - Za sva obročna plaćanja od 2-12 rata agencija obračunava manipulativne troškove u iznosu od 5%

#samonajboljedovoljnodobro #centrotours

Program je objavljen 27.02.2024.g.

Program putovanja Centrotours Copyright. Zabranjeno preuzimanje teksta programa putovanja bez odobrenja agencije.

VAŽNE NAPOMENE:

Putnici na ovom putovanju obavezni su imati biometrijski pasoš sa datumom važenja minimum 5 mjeseci odplaniranog dana povratka sa putovanja.

Agencija zadržava pravo promjene termina realizacije fakultativnih izleta.

Izleti će biti realizovani u slučaju minimum 25 prijavljenih putnika.

Za rezervaciju ovog putovanja potrebno je uplatiti 30%, ostatak se plaća najkasnije 10 dana prije polaska na putovanje. Molimo Vas da se prije zaključenja ugovora o putovanju upoznate sa programom putovanja i Centrotours Općim uslovimaputovanja

*** Uplatom akontacije putnik potvrđuje da je pročitao i prihvatio Program putovanja, Ugovor o putovanju i Opće uslove putovanja.**

*** Agencija ne snosi odgovornost za eventualne drugačije usmene informacije o programu putovanja.**

*** Agencija ne snosi odgovornost uslijed promjena aviokonekcija od strane aviokompanije.**

*** Satnice letova navedene u planu i programu ili dobijene od strane agencije podložne su promjeni i isključivo zaviseod aviokompanije.**

***Agencija zadržava pravo promjene redosljedaa realizacije fakultativnih izleta.**

*** Termin i cijene fakultativnih izleta su promjenljivi i zavise od slobodnih termina po lokalitetima, broja prijavljenihputnika i objektivnih okolnosti.**

*** Fakultativni izleti se realizuju od strane lokalnih agencija i Centrotours nije u mogućnosti da utiče na stvari vandometeta agencije vezane za samu realizaciju izleta.**

SARAJEVO: Centrotours d.d. Sarajevo, Putnička agencija Centrotours, Kurta Schorka 14, 71000 Sarajevo

SARAJEVO: Ferhadija 16, telefon: 033 407 407, fax: 211 282; Put života 8 (Autobuska stanica), telefon: 033 214 959; Bulevar Meše Selimovića

97 (zgrada Općine Novi Grad), telefon: 033 407 660; Kurta Schorka 36 (Međunarodni aerodrom Sarajevo), telefon: 033 407

661 **ZENICA:** Maršala Tita 63, telefon: 032 409 409 **Viber/WhatsApp:** +387 61 376 644

www.centrotours.ba ID broj 4200153220003 Licenca broj: 07-05-22-13

